

# Vrijednosti borbe na Allahovom putu

[ Bosanski – Bosnian – بوسني ]

Muhammed b. Ibrahim et-Tuvejdžiri

Prijevod:

Senad Muhić

Revizija:

Ersan Grahovac

2014 - 1435

IslamHouse.com

# ﴿ فضائل الجهاد في سبيل الله ﴾

« باللغة البوسنية »

محمد بن إبراهيم التويجري

ترجمة:

سناد موهيتش

مراجعة:

أرسان غراهوفاتس

2014 - 1435

IslamHouse.com

# Vrijednosti borbe na Allahovom putu

## Vrijednost borbe na Allahovom putu

Allah Uzvišeni kaže: *Allah je od vjernika kupio živote njihove i imetke njihove u zamjenu za Džennet koji će im dati – oni će se na Allahovu putu boriti, pa ubijati i ginuti. On im je to zbilja obećao u Tevratu, i Indžilu, i Kur'anu – a ko od Allaha dosljednije ispunjava obećanje Svoje? Zato se radujte pogodbi svojoj koju ste s Njim ugovorili, i to je veliki uspjeh.* (Et-Tevbe, 111.)

## Vrijednost jutarnjeg i večernjeg izlaska u borbu

Enes prenosi da je Poslanik, sallallahu alejhi ve sellem, kazao: „**Jedan jutarnji ili večernji boravak u borbi je bolji od svega što na ovome svijetu postoji.**“<sup>1</sup>

Ebu Ejjub prenosi da je Poslanik, sallallahu alejhi ve sellem, kazao: „**Jedan jutarnji ili večernji boravak u borbi je bolji od svega što sunce obasjava.**“<sup>2</sup>

## Vrijednost onoga ko ode u borbu, pa umre ili bude ubijen

Allah Uzvišeni veli:

---

<sup>1</sup> Bilježe Buharija, br. 2792., i ovo je njegiva verzija, i Muslim, br. 1880.

<sup>2</sup> Bilježi Muslim, br. 1883.

1. *Onaj ko se iseli Allaha radi naći će na Zemlji mnogo mjesta, uprkos svojim neprijateljima, i slobodu. A onome ko napusti svoj rodni kraj radi Allaha i Poslanika Njegova, pa ga stigne smrt, nagrada od Allaha njemu je sigurna. A Allah mnogo prašta i milostiv je.* (En-Nisa, 100.)

2. *A ako vi na Allahovom putu poginete ili umrete, oprost i milost Allahova su zaista bolji od onoga što oni gomilaju. Bilo da umrete ili poginete, sigurno ćete se pred Allahom iskupiti.* (Alu Imran, 157-158.)

3. *Nikako ne smatraj mrtvima one koji su na Allahovu putu izginuli! Ne, oni su živi i u obilju su kod Gospodara svoga, radosni zbog onoga što im je Allah od dobrote Svoje dao i veseli zbog onih koji im se još nisu pridružili, za koje nikakva straha neće biti i koji ni za čim neće tugovati; radovaće se Allahovoj nagradi i milosti i tome što Allah neće dopustiti da propadne nagrada onima koji su bili vjernici.* (Alu Imran, 169-171.)

4. *I neka se zato na Allahovu putu bore oni koji ne žale žrtvovati život na ovome svijetu za onaj svijet. A onoga ko se bori na Allahovu putu, pa pogine ili pobijedi, Mi ćemo, sigurno, obilno nagraditi.* (En-Nisa, 74.)

Ebu Katada, radijallahu 'anhu, pripovijeda da je neki čovjek upitao: „Allahov Poslaniče, ako poginem na

**Allahovom putu, hoće li biti oprosteni svi moji grijesi?” Vjerovjesnik, sallallahu alejhi ve sellem, odgovori: 'Hoće, bit će oprosteni svi tvoji grijesi ako pogineš na Allahovom putu strpljivo se i iskreno boreći, napadajući, a ne uzmičući, osim duga. Tako mi reče Džibril, alejhis-selam.’<sup>3</sup>**

**Vrijednost onoga ko ima želju za džihadom, pa ga prijehi bolest ili neko drugo opravdanje**

Enes prenosi da je Poslanik, sallallahu alejhi ve sellem, jedne prilike bio u bitki, pa je kazao: „**Ima ljudi koji su opravdano ostali u Medini, ali oni su sa nama gdje god mi idemo.**“<sup>4</sup>

**Vrijednost onoga ko opremi borca na Allahovom putu**

Zejd b. Halid prenosi da je Poslanik, sallallahu alejhi ve sellem, kazao: „**Ko opremi borca na Allahovom putu i sam je borac, a također status borca ima i onaj ko preuzme brigu o potrebama koje je imao onaj ko je otišao u borbu.**“<sup>5</sup>

**Vrijednost ko na Allahovom putu žrtvuje svoj život i imetak**

---

<sup>3</sup> Bilježi Muslim, br. 1885.

<sup>4</sup> Bilježi Buharija, br. 2839.

<sup>5</sup> Bilježe Buharija, br. 2843., i ovo je njegova verzija, i Muslim, br. 1895.

Allah Uzvišeni veli: *Nije trebalo da stanovnici Medine ni beduini u njenoj blizini iza Allahova Poslanika izostanu i da svoj život njegovu životu pretpostave jer njih neće zadesiti ni žeđ, ni umor, ni glad na Allahovu putu, niti će stupiti na neko mjesto koje će nevjernike naljutiti, niti će ikakvu nevolju od neprijatelja pretrpjeti, a da im to sve neće kao dobro djelo upisano biti - Allah zaista neće dopustiti da propadne nagrada onima koji čine dobro - i neće dati nikakav prilog, ni mali ni veliki, niti će ikakvu dolinu prevaliti, a da im to neće zapisano biti, da bi ih Allah nagradio za djela njihova nagradom ljepšom od one koju su zaslužili.* (Et-Tevbe, 120-121.)

Od Ebu Absa se prenosi da je Poslanik, sallallahu alejhi ve sellem, kazao: „**Noge koje se zapraše na Allahovom putu neće pržiti Vatra.**“<sup>6</sup>

### **Vrijednost udjeljivanja na Allahovom putu**

Allah Uzvišeni kaže: *Oni koji imanja svoja troše na Allahovom putu liče na onoga koji posije zrno iz kojeg nikne sedam klasova i u svakom klasu po stotinu zrna. A Allah će onome kome hoće dati i više; Allah je neizmjereno dobar i sve zna.* (El-Bekare, 261.)

---

<sup>6</sup> Bilježi Buharija, br. 907.

Ebu Mesud El-Ensari prenosi da je neki čovjek doveo obilježenu devu i kazao: „**Ovo dajem na Allahovom putu.**“ Nakon toga je Poslanik, sallallahu alejhi ve sellem, kazao: „**Na Sudnjem danu ćeš zauzvrat dobiti sedam stotina takvih deva.**“<sup>7</sup>

---

<sup>7</sup> Bilježi Muslim, br. 1892.